



Broj: 05/01-04-3621-3/23
Sarajevo, 10.03.2023. godine

SKUPŠTINA KANTONA SARAJEVO
n/r Elvedin Okerić, predsjedavajući

PREDMET: Dostava odgovora na zastupničko pitanje - zastupnica Marijela Hašimbegović

Zastupnica Marijela Hašimbegović na Četvrtoj radnoj sjednici Skupštine Kantona Sarajevo, održanoj dana 08.02.2023. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavila je zastupničko pitanje, kako slijedi:

„U kojoj su fazi četiri postupka vršenja strategijske procjene uticaja na okoliš za planove prostornog uređenja: IDRP „Sportsko rekreaciono područje Bjelašnica“, UP „Igman Veliko polje“, PPPPO RCUO „Smiljevići“ i RP „Gornje Telalovo polje I“, sve u skladu sa kriterijumima utvrđenim članom 5. Uredbe o strategijskoj procjeni uticaja planova i programa na okoliš (Sl. novine KS, broj 32/11) obzirom da za navedene planove nije utvrđena obaveza vršenja strateške procjene uticaja na okoliš.“

ODGOVOR:

Shodno odredbama člana 4. i 5. Uredbe o strategijskoj procjeni uticaja planova i programa na okoliš („Službene novine Kantona Sarajevo“, broj 32/11) utvrđena je obaveza vršenja strategijske procjene uticaja na okoliš za sljedeće planske dokumente: Izmjene i dopune Regulacionog plana „Sportsko-rekreaciono područje Bjelašnica“, Urbanistički projekat „Igman – Veliko polje“, Regulacioni plan „Gornje Telalovo polje I“ i Prostorni plan područja posebnog obilježja „Regionalni centar za upravljanje otpadom (RCUO) – Smiljevići“ .

Nacrt Izvještaja o strategijskoj procjeni uticaja za Izmjene i dopune regulacionog plana „Sportsko-rekreaciono područje Bjelašnica“ je dobio negativno mišljenje, te je zatražena dorada dokumenta, a nakon izvršene korekcije dostavljen je korigovani Izvještaj, čiji je pregled i razmatranje u toku.

Pored navedenog, u 2022. godini, Ministarstvo komunalne privrede, infrastrukture, prostornog uređenja, građenja i zaštite okoliša je dalo pozitivno mišljenje na Izvještaj o strategijskoj procjeni uticaja na okoliš za Urbanistički projekat „Igman – Veliko polje“ i isto je dostavljeno Zavodu za planiranje razvoja Kantona Sarajevo na dalje postupanje.

Nakon održane scoping radionice, nastavljene su aktivnosti na izradi Plana i Izvještaja o strategijskoj procjeni uticaja na okoliš za Regulacioni plan "Gornje Telalovo polje I".

Isto tako, Vlada Kantona Sarajevo je na 105. sjednici održanoj dana 08.12.2022. godine donijela Odluku broj: 02-04-48995-13/22, kojom se usvaja Izvještaj o strategijskoj procjeni uticaja na okoliš za Prostorni plan područja posebnog obilježja „Regionalni centar za upravljanje otpadom (RCUO) – Smiljevići“.

S poštovanjem,



Dostaviti:

- Naslov
- Stručna služba Vlade Kantona Sarajevo
- Služba za skupštinske poslove + CD
- Evidencija (2X)
- a/a